

古今圖書集成

中国学术类编

职方典
七
(廿四)

新子部
職方典
PDS



職方典七

各部部名上所冠數字係在本典之原部次
各部部名下所附數字係在本典統編頁次之起頁

一二〇 浙江總部八三五

一二一 杭州府部八三八〇

一二四 寧波府部八七六五

一二七 金華府部八九八七

一三〇 溫州府部九一六三

一三二 福建總部九二四七

一三三 福州府部九二六四

一三六 延平府部九五四五

一三九 邵武府部九七五八

一四二 臺灣府部九九七九

一二二 嘉興府部八六〇七

一二五 紹興府部八八三一

一二八 衢州府部九〇五八

一三一 處州府部九二〇七

一三四 泉州府部九三五七

一三七 汀州府部九六〇一

一四〇 漳州府部九八四一

一二三 湖州府部八七〇〇

一二六 台州府部八九二〇

一二九 嚴州府部九一〇四

一三五 建寧府部九四四一

一三八 興化府部九六八三

一四一 福寧州部九九五六

欽定古今圖書集成方輿彙編職方典

第一千七百一十一卷目錄

汀州府部案考一

汀州府建置沿革考

汀州府疆域考

汀州府星野考

汀州府山川考一

職方典第一千七百一十一卷

汀州府部案考一

汀州府建置沿革考

本府

府志

本秦閩中郡督制新羅縣屬晉安郡唐開元二十四年開羅二州山洞置汀州領縣三長汀黃連龍巖尋改臨汀郡後改黃連為寧化乾元元年復為汀州初治新羅大曆四年刺史陳劍遷治白石鄉即今州治十二年析龍巖縣歸漳州以劍州之沙縣來屬五代屬王氏閩南唐晉開運三年析沙縣歸劍州領縣二宋太平興國三年屬威武軍雍熙二年屬福建路淳化五年升上杭武平二場為縣領縣四元符元年析長汀寧化清流流溪縣領縣五紹興二年以連城堡為縣領縣六元至元十五年升為汀州路明洪武元年改為汀州府屬福建布政司置汀州衛所成化六年以清流明溪巡檢司置歸化領縣七十四年析上杭置永定領縣八

皇清因之附郭曰長汀外七縣曰寧化上杭武平清流連城歸化永定

長汀縣

本晉新羅地初屬晉安郡唐開元於新羅故城東置長汀縣為汀州治所大曆中移白石鄉宋徙於衣錦鄉元明仍舊

皇清因之

寧化縣

本建州沙縣地初為黃連鎮唐開元中從居民羅今北諸升黃連縣置州後因屬焉天寶初改寧化宋元明仍舊

皇清因之

上杭縣

本晉新羅地唐為龍巖地置太平場宋淳化中置上杭縣析長汀南境隸焉初治諸口市乾道中縣令鄭稷徙治來蘇里元明仍舊

皇清因之

武平縣

本晉新羅地唐為龍巖地置州後以本州西南地為南安武平二鎮隸長汀五代時王氏併南安為武平場宋淳化五年升為縣析長汀西南境益焉元明仍舊

皇清因之

清流縣

本唐長汀寧化二縣地舊有清流驛宋元符間提刑王祖道奏置縣紹定中廢元復明仍舊

皇清因之

連城縣

本長汀地初置連城堡宋紹興中攝汀尉虞觀奏置連城縣郡守鄭強復析長汀古田鄉六團里益之元改連為連明仍舊

皇清因之

歸化縣

本清流明溪鎮地明成化六年府同知程熙以地當諸縣之交民梗難治請於巡撫滕昭奏析將樂沙縣寧化清流四縣地升為歸化縣

皇清因之

永定縣

本上杭溪南等地距縣遠甚成化十四年十賊鍾三等為亂事平巡撫高明奏析上杭勝連溪南金豐豐田太平五里一十九箇置縣

皇清因之

汀州府疆域圖

方輿彙編職方典第一千七百一十一卷汀州府部

第一四四冊之二〇集

133



汀州府疆域考

本府

東至延平府七百里

西至江西贛州府四百一十里

南至廣東潮州府六百六十五里

北至江西建昌府五百四十里

西北至清流縣二百一十里至歸化縣三百五十里

東南至連城縣一百七十里

西南至武平縣二百四十里

東北至寧化縣二百四十里至福建布政司一千六十里北至

京師五千五百九十里

東西廣七百餘里南北袤三百餘里

長汀縣附郭

東至寧化縣一百七十里以杉木墩八十里為界

西至江西瑞金縣八十里以新路嶺六十里為界

界

南至上杭縣一百八十里以雙溪嶺一百五十里為界

北至瑞金縣八十里以黃竹嶺六十里為界

東南至連城縣一百六十里以野狐嶺一百六十里為界

西南至武平縣二百五十五里以黃公嶺一百五里為界

東北至寧化縣一百五十里以黃土嶺八十里為界

西北至瑞金縣八十里以石腦嶺六十里為界

東西廣一百四十里南北袤二百一十里

寧化縣

東至清流縣四十五里以百步嶺二十五里為界

西至江西石城縣一百五十五里以張坑七十五里為界

南至長汀縣一百七十里以松木堆九十里為界

北至邵武建寧縣一百八十里以孟家坪一百一十里為界

東南至清流縣一百二十里以大船嶺六十里為界

西南至長汀縣一百五十里以黃土嶺七十里為界

東北至邵武泰寧縣二百九十里以龍坑一百二十里為界

西北至江西南豐縣三百五十里以車橋嶺一百二十里為界

東西廣一百里南北袤一百里

上杭縣

東至漳州龍巖縣一百五十里以大池一百里為界

西至武平縣八十五里以石田二十五里為界

南至廣東海陽縣四百五十五里以標錢山二百里為界

北至長汀縣一百八十里以楊州塢三十里為界

東南至龍巖縣二百四十里以綠嶺一百九十里為界

西南至廣東程鄉縣三百一十里以松源一百六十里為界

東北至長汀縣一百六十里以谷寮嶺八十里為界

西北至武平縣一百九十里以桐嶺八十里為界

東西廣一百二十五里南北袤一百一十五里

武平縣

東至上杭縣八十五里以竹寮保黃埔五十里為界

西至江西安遠縣二百四十里以大中山一百四十五里為界

南至廣東程鄉縣二百二十五里以南巖九十里為界

北至長汀縣二百六十里以黃公嶺一百五十里爲界
 東南至廣東海陽縣四百里以盧嶺一百五十里爲界
 西南至程鄉縣二百二十五里以千口一百里爲界
 西北至會昌縣一百八十里以南漢口花嶺爲界
 東西廣一百九十里南北袤二百四十里
 清流縣
 東至延平永安縣三百一十里以龍安一百一十里爲界
 西至寧化縣一百五十里以空頭嶺十里爲界
 南至寧化縣一百十里以百步嶺一十五里爲界
 北至寧化縣六十里以草鞋嶺三十里爲界
 東南至連城縣一百三十五里以上琴坪一百里爲界
 西南至寧化縣四十里以松旗隔一十里爲界
 東北至歸化縣九十里以五通凹六十五里爲界
 東西廣一百三十五里南北袤一百五十里
 連城縣
 東至延平永安縣二百二十里以溪流口一百里爲界
 西至長汀縣一百四十里以巖頭野狐嶺十里爲界

南至上杭縣二百四十里以睦嶺一百里爲界
 北至長汀縣一百九十里以樓坑渡六十里爲界
 東南至永安縣三百五十里以浮流口一百五十里爲界
 西南至長汀縣一百七十里以河源板嶺七十里爲界
 東北至清流縣一百三十五里以上琴坪三十五里爲界
 西北至長汀縣一百七十里以四保六十里爲界
 東西廣一百十五里南北袤一百三十里
 歸化縣
 東至延平將樂縣一百二十里以鐵嶺三十里爲界
 西至清流縣九十里以五通凹二十五里爲界
 南至延平永安縣二百九十里以淳化寺九十里爲界
 北至寧化縣一百二十二里以下覺七十里爲界
 東南至延平沙縣三百八十里以永隆寺一百二十里爲界
 西南至清流縣九十里以靈龜巖四十里爲界
 東北至將樂縣一百二十里以東嶽嶺三十里爲界
 西北至寧化縣一百三十里以山溪寨七十里爲界

東西廣五十五里南北袤一百六十里
 永定縣
 東至漳州南靖縣四百一十里以隘頭二百里爲界
 西至上杭縣一百五十里以三塘七十里爲界
 南至廣東饒平縣二百一十里以牛市亭一百里爲界
 北至上杭縣一百六十里以曹田四八十里爲界
 東南至南靖縣二百二十里以盧溪一百二十里爲界
 西南至上杭縣一百二十里以官田六十里爲界
 東北至龍巖縣二百二十里以水精隘一百二十里爲界
 西北至上杭縣一百三十里以鹹水湖八十里爲界
 東西廣二百七十里南北袤一百八十里
 形勝附
 本府長汀縣南界
 汀郡崇岡峻嶺居山谷斗絕之地水之所歸南走湖海西下隄章東北注於劍浦西北奔於彭蠡實控東南上游是以山重複而險阻水迅急而淺澗山川大勢固已奇絕若乃府治則四山環拱天監全城中間地勢坦夷方數十里就平地中突起臥龍一山高可數十丈廣可五七里北面峭壁巖崖其南派爲九支形爲九龍蜿蜒

下人區書卷之五

蟠龍狀如臥龍府城半壁高掛山北之巔公署
數區半列山南之麓鄧江帶繞於東畔西溪環
抱於右方二水合流繞出丁位而寶珠一峯南
塞水口此郡城之勝也有鄧江舊八景

寧化縣

爲郡接境山峻水急翠華鳳凰諸山峙其北芙
蓉竿架諸峯出其東南有城門嶺卓立如屏西
有斗頭山突岷岷谷臥至縣治則四圍平坦形如
大釜仿把椅峙下瞰溪湖

上杭縣

橫琴案前紫金屏後營峯左峙旗幟右騰袍塞
屹於西南麓嶠峙於東北

武平縣

土壤坦夷龍脉盤伏左梁山右雙馬黃龍峙其
北筆架列其南囊洞諸峰獻秀吐奇化龍諸溪
合流環遶

清流縣

在郡東北爲江廣襟喉屏山枕其後南極朝其
前東華峙其左西峯聳其右一水清泄可以鑑
人來自西南入於鳳翔出於龍津崇抱縣治如
帶如環三折之流復繞西南而去

連城縣

居稠山中崇岡複嶺東控蓮峯西擁旗石南案
獨秀之銀屏中抱九折之文溪他若金鷄諸岫
插漢衝霄天馬峯峯如笏如杖

歸化縣

爲汀孔道關廣通衢徑貫趾角登於後三台飛

鳳拱於前東有神巖泉山西有仁壽列嶂二水
合流環拱邑前旋迴獅巖宛如元宇

永定縣

臥龍山峙於後掛山列於前東有龍門拱揖西
有印匣鍾重二水交流一湖瑩徹

汀州府星野考

府志

周官保章氏以星土辨九州之地所封封域皆
有分星以觀妖祥汀州其域爲揚州其次爲星
紀其宿爲牛女其辰爲丑按周禮節注云星紀
吳越也星南離云星紀之天於律黃鍾吳越分
野爾雅云星紀斗牽牛也郭璞注云斗牽牛者
日月五星之所始終故謂之星紀以上釋星紀
爲越之分星春秋元命包云牽牛流爲揚州分
爲越國史記天官書前漢天文志皆云牽牛婺
女揚州正義曰婺女即須女天少府也又曰牽
牛須女皆爲星紀越之分野漢地理志云粵地
牽牛婺女分野劉向曰吳越屬斗牛女分即國
志晉隋元志皆云吳越其辰在丑也釋牛女爲
揚州之宿至其分度又往往不同黃帝起斗十
一度至女七度爲星紀黃帝起斗十度至女五
度爲星紀黎閼月今章句起斗六度至須女二
度爲星紀皇甫謐起斗一度至女七度爲星紀

唐志初斗九度餘千四十二秒十二大中十二
十四度一千四百八半終女四度爲星紀元志
起斗四度三十六分六十六秒外入星紀之水
又魏太史令陳卓云吳越州郡九入斗十一
度虛江入斗六度豫章入斗十度丹陽入斗十
六度會稽入斗一度臨淮入女四度廣陵入牛
八度泗水入女一度六安入女六度閩故爲會
稽屬其直斗一度無疑釋分度唐一行以天下
山河之象有牛兩戒北戒自三危至朝鮮是謂
北紀胡門以限戎狄南戒自岷嶓至東甌閩中
是謂南紀越門以限蠻夷自南河下流涉江淮
爲吳越自江源循嶺微南東及南海爲蠻越星
紀當雲漢下流百川歸焉故其分野自南河下
窮南紀之曲東南負海爲星紀南斗富淮海間
爲吳分牽牛去南河遠自豫章迄會稽南論
嶺微爲越分蘇軾祖其說作山河兩戒圖我朝
清類分野書實宗之釋南戒然則歷代論撰宿
度雖少差移爲次舍大略相因矣而三垣五緯
占驗亦各有分屬宋志云中宮北斗七星第四
曰權星山以東至南江會稽廣澤徐揚州屬焉
星經云斗杓第六星曰開陽主揚州又魁下六
星兩兩相比者曰三台上台主星主刑揚宋志
又云天市垣二十二星東西列各十一星其東
垣南第六星曰吳越星申云南斗魁二星天梁
也第一注吳第二會稽天官書云吳楚之疆侯
在吳越占於鳥衡星經云吳越主揚州唐志云
星紀負海其神主於衡山吳越位爲宋志云五

星赤帝熒惑之神爲熒惑位南方主楚吳越以南諸家論或取之牛柄或闕之天市或徵之緯候言人人殊然於天文爲別占云

汀州府山川考一

府志

本府山川詳前

臥龍山 在府治後環城四面皆平田就中突起一山不與羣阜相附如龍盤屈而臥故名又名九龍山亦名無境山接舊誌衡者白鶴仙云山脈分於積之學都虎頭山歷石城過瑞金界由長龍溫地舉筆轉巖直瀟橫溪而來
東山 在城內縣學左爲臥龍山之首又名龍首山宋時有鄧江憂五顯廟久廢明萬曆間前後爲雷文學書屋兩庠舉出山頂豎亭爲狀元峯前屋祀文丞相少師後屋爲書院年久亭院荒廢崇禎丁丑汀守唐世涵捐俸鼎建
南山 在縣南三里爲郡治前朝山屹然如屏青葱可愛宋時文殊院同慶寺左翼軍駐劄寨在其下故下名南寨後同慶寺遷永德鄉樂院俱廢按舊誌白鶴仙云山脈自石舍分枝由湘洪峽過龍嶺歷高坑起鸛鵲石又里許秀時爲南山今下爲元帝宮

拜相山 一名易山與南山相聯俯挹臥龍山宛如人拜

圓珠山 在縣南三里俗呼寶珠峯舊有寺久廢崇禎丁丑邑人鼎建元壇廟於山隈

馬鞍山 在縣東五里

展旗山 在縣西七里

蓮花山 在縣東十里

筆山 在縣東十五里

玉女山 在縣西古費十五里舊傳王氏女修真所下有通仙橋

橫溪障山 在縣西三十里

翠峯山 在縣東四十里壁立千仞紺碧可愛

鷓鴣山 在縣西五十里高十五里九城詩載爲古蹟本郡王中正成道之所閣中曹學佺名勝誌作朱邑人王捷字平叔修道於此

赤坑障山 在縣南五十里

靈蛇山 在縣南百八十里山頂多蛇下有佛窟及蛇山廟九城誌載爲勝跡

七寶山 在縣東南二百里傳出七寶下有七寶塢今廢

鷓鴣峰 在府南山半有院見天下輿圖誌院址久廢父老傳云元帝宮是尊邑誌載院在新村十里當是同名

雙峰 在縣東南三十里峯巒聳峙高入雲漢

西峰 在縣西通津門外臥龍山右支上有西峰法林羅漢三刹今惟羅漢寺存寺居形如燕窠林密泉清爲郡勝地景名西嶺松清

二老峰 在縣東五里雙石峭立如人佛祖峰 在縣西三十里上古九際樹木陰翳石徑崎嶇中有碑字難盛夏不知署

橫岡嶺 在城內東北府縣學後臥龍山左支

佛嶺 在縣東南五里今名通濟巖巖間有佛像宋鄧兵史建庵於此後人勸亭於庵側

界院嶺 在縣東南三里土中有珠牧兒鐺地得之見風則碎俗呼爲珠嶺嶺畔有寺

東莊嶺 在縣東五里下有民田百頃舊多種梅景名東嶺梅雲

柵木嶺 在縣東二十里

牛嶺 在縣西二十里崇禎九年冬廬山僧世拙募緣勸庵邑人馬上樂題以西來

白頭嶺 在縣西接牛嶺常有白雲冒頂

白葉嶺 在縣南二十里

張木嶺 在縣南二十里

湘溪嶺 在縣南三十里

流源大嶺 在縣東南四十里

分水嶺 在縣南五十里

新路嶺 在縣西古費六十里爲汀嶺分界宋嘉定間鄧守鄧非熊修陞備寇名羅坑隘明如府鄧有道修砌道路

大息嶺 在縣東北歸陽五十里嶺頂有鋪

歸嶺 在縣東南五十里路通連城

義荷嶺 在縣南百里地產義荷

桑溪嶺 在縣南五十里

祥嶺 在拜相山隈宋元祐間白雲過雷一

前 聲巖洞開中有丹竈井建祐聖道院於巖

朝斗巖 在南山庵後石棚巖而上俯瞰城市

盡在日曉下有祐聖廣祐福善王祠祈禱必應

雲谷巖 在駐劄寨旁南山之下

官巖 在縣南五里宋崇觀間宣明隱居於此

獅子巖 在縣東南南齊泰九十里雙石爲門

八仙巖 在府城東南南齊河一百二十里巖內

有棋盤石跡猶傳有八仙聚其上故名

通濟巖 在縣東南五里即佛巖

蒼玉洞 在東禪寺下山石奇怪萬狀名曰石

門巖巖仙掌鶴巢抱塞二老獅子馬鞍之類

龍門峽 在縣東北四十里地名含前石洞盤

屈深窄中開一峽頂端龍門二字峽底匯潭水

色沉碧峽內有溪鄉人買竹木者俱從峽出

湘洪峽 在新橋下流溪中最險舟人憚之峽

上有湘洪廟

烏鼻石 在縣政橋舊廬巖邊

石壁 在縣南二十里下有庵

白面石 在縣南五十里

鄭江 一名正溪在縣東草化縣界李地發源

出石合歷謝地新橋遙通至東莊潭分爲二派

一自惠政橋入一自太平橋入至高灘角復合

爲一南流以入於海宋蔣之奇有鄭江一丈水

之句

東溪 發源翠峯合鄭坑水流高洋橋至張家

陳與正溪合

梓步溪 源出大恩嶺左至南田大溪合

小湘溪 源出南原至湘洪廟前三溪俱經東

西溪 在縣西源出大原過杉嶺即七里橋至

南拔橋宋治平五年築城墾塚官砌石陵於橋

下引水注溪一派人城崇至崇善坊典雲橋與

正溪合一派人西田過高阜坊與正溪合後西

流奔衝萬曆壬子推官吳明昌沿河築堤引水

抱城至馬屋助下出合大溪

南溪 在縣南二十五里其源不一合流經普

濟橋至南口與正溪合

北溪 源出橫坑過蔡桂橋而下與正溪合

龍潭 在縣東雲驢閣下東岸建龍王廟遇旱

築壇而事則雨今通過大溪廟久廢

東莊潭 在縣南十里郡衆流所會山勢蟠互過

此流折爲九曲

白步潭 在縣南十里

曲潭 在縣南十五里

大潭 在縣南六十四里

寅湖 在縣東北二里許周圍百步居郡賓位

湖中一小阜雖水溢不沒春滿冬涸

子地湖 在縣東十三里入東禪寺今變爲田

辛湖 在縣西一里許周圍七十步三湖俱以

方位名

青草湖 在縣東臨陽五十里象牙林深不盈

尺廣不論丈其中草四時長青

礫角 在古黃里高巖怒濤激田抵廣

礫頃 在臨陽里峭壁數十仞瀑柱如雷

魚梁灘 在縣東二十里

鵝鴨灘 在縣東一里許灘邊居民多養鵝鴨

蛇王灘 在縣南三十里灘邊有蛇王石盤

九曲灘 在蛇王灘下河水湍急屈曲九折

紗帽灘 在王屋灘上灘邊有石如紗帽

王屋灘 去縣三十五里灘邊有王姓者居此

礫灘 在縣南一百里居上杭上甚險知府陳

洪範闢平

放生池 因龍潭爲之勒大字於石

金乳泉 在府堂東嘉靖間知府邵有道開爲

池

法林製笑泉 在縣西法林院有泉出於石縫

中裂如笑狀

湯泉 在縣南青泰里何田市周圍數十丈能

熟生物未結與間衆砌石池疏泉泉以減其烈

覆以兩室以別男女沐浴旁結庵名無垢又一

在縣南安仁保山寶湧出戲田甚多

玉泉 在縣東八十里流爲瀑布舊有佛庵前

後植茶號爲玉泉茶

魁星井 在府治儀門外面南隅

鴈星井 在府兵房後今廢

祿星井 在推官衙門

關星井 在府治東北塔院前舊傳白鶴仙人

還郡初踏地形如斗掘地爲七井以應七星

老古井 在府城內東北

邵長史井 在臨海樓南街城下郡人邵正已

古今圖書集成

開鑿至丈餘過盤石間其下有泉聲以鐵杵撞穿泉湧出四時不竭

開元井 在縣學左闊丈許深十三丈八角上闕下銳石板疊砌舊傳與雲驤閣下河通河溢則井溢河清則井清昔年井水忽湧高數丈衆疑通龍潭有龍穴其中嘉靖三年井隨寺燬學取名八卦龍泉爲陰塔與萬魁塔相映

南泉亭井 在富文坊闊丈許引手可掬

鄧江井 在縣東金花坊深三尺許溉田甚多外水入而不溢內水出而不竭

萬戶井 在南巖里胡嶺大路旁去縣八十里井泉甘美四時不竭可供萬戶用

方伯井 在十字街口俗呼大井頭

奉化縣

翠華山 在縣北二里邑主山四時山色蒼翠南山 在縣南一邑之望自遠近通至本山中鋒一峯旁峯低小如筆架下有流水環遶如帶

東山 在縣東五里

牛頭山 在縣西北峯峭拔形如牛頭

五臺山 在縣南市西舊名五家山有普惠王祠昔年遭火五臺閣于朝勒改今名

寶山 在縣北舊傳山有五石色瑞潔如寶

鳳凰山 在縣北五十里崇岡峻嶺蟠伏數里其形如鳳神人張靈徵時讀書其下自漢鳳閣隱者後起知太原府今山多落不軌立隘

陶峯山 在縣北八十里巒峯峻嶒舊傳有陶姓者結茅其上

牙梳山 在縣北招得里險峻既崇爲嘯聚地

龍巖山 在縣東招得一百二十里高峯紫陰草生崖石間如龍巖

羅平山 在縣東北一百二十里山明水秀舊傳處士羅平隱居於此

伍家峯山 在縣北招得里山尖聳如竿山下居者皆姓伍

紫雲山 在縣北通鄰武界立隘

安雲峯 在泉下里其峯高拂雲霄

登高嶺 在縣北門內邑人登高於此

孤樓嶺 在縣西龍上里其狀如屏相傳有白狐棲此

金船嶺 在縣東末豐三十里舊傳山有金船其光夜現鄉人求之弗得

獅子嶺 在縣南三十里嶺有石形如獅

羅漢嶺 在縣南五十里新村

苦竹嶺 在縣北末豐五十里產苦竹其嶺甚高四時常有雲氣

神王嶺 在縣北七十里上有神王廟鄉人遇旱瘡疾禱此

南橋嶺 在縣北九十里嶺勢高拱跨山如橋

帆倉嶺 在縣西南頗金舖之西迤邐二三里峻處有利濟亭上立隘

竹簫嶺 在縣西南險峻斗絕小路遍長汀上建有亭

黃柏嶺 在縣南新村里上設鋪

城門嶺 在縣東北泉上四十里山勢壁立如

屏陵元末寇亂鄉人避兵於此

瑞花嶺 在靈隱洞東北十里旁有僧舍謂之下巖其地生奇花歲多變因名其巖曰瑞花

龍池巖 在縣南四十里昔有龍蟠於此

西巖 在縣東北五十里登石梯而上石筍屹立如門上有石乳下垂俯映石符泉涓涓自乳而下滴於銜末垂髮不束又有石如龍蟠門上其中空洞如砥可坐千人有數石室一曰寶蛇天然巖屋中奉大士像一曰乳穴熱炬始可入中橫石案旁有泉一泓琤琤遇旱騰之取水出巖卽雨謂之聖水一曰丹室有一小穴匍匐而入其中寬明丹甍儼然又一如方丈初入頗暗坐久忽明又一如堂奧寒氣逼人不容久立旁有龍井深不可測

東巖 在西巖側其中有數石室洞旁有石蓮數朵大如車輪左右石龕又有石如菴高二丈寒泉湧出壺口皆成鐘乳下有芝田數畝上有響石撞之如鐘西有石柱峻削如青瑯玕南有來自石中出潺湲迅急復入石縫不知所之又南最高處有石鶴若奮飛之狀亦有丹室

彌勒佛 在縣招得九十里高峻玲瓏巖中多巢鳥雀巖下空高約二丈許深廣三丈有奇如石室前有彌勒佛殿

朝光巖 在溫泉側玲瓏曲折天光射入竹筏沿折其中難窮其源

連城洞 在縣東五里地多黃連唐置縣封治於此

方輿彙編職方典第一千七十一卷汀州府部

第一四四屬之二三

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

靈隱洞 在縣北五十里舊號洞源巖宋治平間僧祖慶結庵於此洞前巖石奇怪如意如食如及蓮帝如列鐘磬如虎鬬鳥翔其狀不一又有巖石拔起上有一窟如蓮傳乳泉滴漉滿而不涸病者飲之多愈鄉人時雨亦應

狂波石 在縣東七里赤岡潭中有傳或見二龍蟠石上怒水激波湧故名

獅子石 在縣北登雲鄉田間以形似名

危石 在縣北六十里突然一峯四壁斗絕人跡不到宋紹興間僧祖月結庵其下名曰翠峯寶池石 一名威巖山縣北七十里舊寶池寺側傑出巖山因寺得名

大溪 在縣南溪源凡六正西自嶺之石城暨頭發源九十里至縣與大溪合西南自長江孤樓嶺發源一百二十里至小吳與大溪合又四十里至縣西北亦抵石城界自長坊一百里至李田與大溪合又二十里至縣東北自臺田嶺發源一百四十里自大溪正北自苦竹嶺發源六十里至馬家渡會大溪又三十里至縣正東自熱水窟頭發源一百里至側潭會大溪又四十里至縣東渡溪上二里許與上流三派合而為一東至清流又東會劬江水抵福州以入於海

龍潭 在縣東一里舊有龍神廟今廢

龍門潭 在縣南二里其深莫測自龍門橋出大溪今大水湧沙壅塞

神頭潭 在縣南五里神頭嶺下水極清微

斑竹潭 在縣南七里潭側多斑竹

赤岡潭 在縣東北七里

蛟湖 在縣北龍上下六十里深不可測昔有僧結庵其上嘗見白龍臥湖面鄉人遇旱以敗鐵投湖輒作暴雨怒湧湧出其鐵而後已宋嘉泰間郡守陳曉禱雨有應遂龍神廟於側

石湖 在縣北泉上里去蛟湖不遠水四時不涸溉田甚多

羊獨湖 在縣北柘湖側舊傳鴨啄於木羊蹄於地忽成此湖

雷鳴潭 在縣南五里聲如雷轟

潭飛聲 在縣南鄉重岡覆嶺登陟極難其中寬坦山環水合草茂林深宋紹定間有寇作亂於此後陳輝劉純討平之因置南平寨

龍潭 在縣北泉下四十里舊傳有龜浮水面溪水即漲成旱鄉人取其水時雨多應

島路峽 在縣南十五里兩岸壁立水勢深迴深不可測

七孤龍 在縣南新村島路峽下十五里石峻路險恐清奔瀾反折七曲舟師憚之

藍布池 在縣北二十里舊名未豐產藕最佳放生池 在縣南

濯溪泉 在縣北四里清泠甘冽一名滴龍泉

甘泉 在縣南舊峯院前味甘而冽

萬斛泉 在縣北五十里石洞噴出流為小潭溉田數千畝

溫泉 俗名熱水其地新開有朝光巖

光巖井 在縣治後光巖寺前

四家井 在縣東百步

太平井 在縣東太平巷口三井水極清冽雖旱不竭

古井 在縣西五里清微甘冽俗傳病者飲之多愈

龍家井 在縣南五里即以名其地

大成井 在儒學戟門東

上杭縣

紫金山 在縣北平安里邑之圭山巔巔峻屹林木秀茂烟雨之餘蒼翠如畫宋康定間嘗產金因名堪輿家言金山如焰雖障邑而多災宜祀元武鎮之明嘉靖庚戌丘嘉門因夢遊乃往卜地募而建之至丁卯乃成

七峯山 在縣北去城十餘里為邑後鎮翠排翠麗堪輿家謂上應北斗又名七星山

掛袍山 在縣南五里為邑前鎮形若掛袍舊云未縣之先林木森蔚有術者過語曰袍山蒼蒼朱紫盈坊未幾遷縣於此

展旗山 在縣西五里為邑右鎮數峯相屬遙遙若展旗然

橫琴山 在縣南去城里許橫互巖前平衍如琴亦名橫琴岡

冷洋山 在縣東二十里高出羣山俯瞰縣治有道人結庵其下一水迸石而出夏月極冷覆羣山在縣東北去城一十里高聳特立山頂端圓如覆盤

筆架山 在縣西去城十五里三峯若筆架
南寶山 在縣北平安里金山之陽如筆插空
舊傳有童子牧牛其上得白璧一雙因名
靈蛇山 在縣北平安里峭拔凌空舊傳有巨
蛇出沒人遇其處必勝之
亂石隔山 在縣北古田里路通龍巖界
石獅嶺山 在縣蘇里山石巉巖狀若獅子
鐵障山 石壁若障山之西產鐵礦冶多取此
茫蕩洋山 在縣東勝運里磅礪百里當上末
兩縣界峯嶺絕林木崇深西通程鄉東通漳
州便化者據為巢穴
高唐山 在縣西南來蘇里舊傳有姓高唐二
人年皆九十餘登此山不返因名
王香山 在縣蘇里山端正高千丈若王者執
圭故名舊記誤為洋嶺山
銅鼓山 在太平里石壁倒書千年二字唐李
陽冰篆山體巨井丈餘莫測鼓聲聞則大稔
美女峯 在縣城南五里與三層嶺相接其峯
有四竒耳秀麗故名
雙髻峯 在縣東五里為邑左鎮二峯插漢宛
若雙髻然
五子峰 在紫金山又名五龍高峭插天妍秀
如削層連絕巘各具姿態膚不受土瘦骨稜稜
上有老松幾本孤奇自喜不作人世近玩中一
石如人跌坐類人定者然
普陀峯 在縣城東十里許白葉場峰下有普
陀寺遺址

文筆峯 在縣東白沙十八里
爐背嶺 在縣東十里鄉人嘗建爐其下
石冷洋嶺 在縣東十五里
大礪嶺 在縣西十里為邑東龍特起之嶺路
通武平
三層嶺 在縣城南十五里其嶺三級成化間
邑人李時漢沿路植松蔽陰置田佃修行者便
之
雙溪嶺 在縣東五十里有二小溪環繞其下
長汀分界
羅括嶺 在縣東平安五十里舊傳有羅括結
廬於此
石牌嶺 在縣東勝運七十里有巨石方正如
牌
香嶺 在白砂里舊傳有檀木香數百本因名
或謂嶺多木乳膏居人採而煎之
燈籠嶺 在勝運里上有石若燈籠
蜈蚣嶺 在勝運里高聳參差迤五里許嶺路蜿
蜒若蜈蚣然正統間鄉民吳廣植松以蔭俗名
蜈蚣嶺
棉嶺 在縣西勝運里棉村景泰間邑人唐常
夾道植松樵行人便之
黎公巖 去縣二里舊傳黎姓者修煉於此
仙女巖 在縣東白沙里負岡瞰溪中廣三丈
有穴上透天光舊傳有仙女居此
寶典巖 在鎮寮場西北近南寶山
石鐘巖 在平安里中有石乳旁有巨石擊之

有聲如鐘
半坐巖 在紫金山石如龍脊坐一人跌脚其
中聽流水聲聲如鳳聲生黃苔如符俗名石黃
可謂為諸事
管公巖 在平安里金山半途深廣數丈內有
石鼓擊之輒鳴舊傳管姓者修行於此
東安巖 在縣東五十里舊傳定光佛棲於此
石燕巖 在縣東天順間鄉人建庵於上
黃楊巖 在銅鼓山舊傳地有黃楊木
青峯巖 在縣南來蘇一百五十里巖有秀峯
竹木蒼翠
赤面石 在縣北去城三十里溪邊上圍下方
峭立如壁色赤
石龍 去縣一百二十里橫互溪中昔有鱗文
遇旱鄉人積砂石於其背即雨漲而去之乃止
仙榜石 在金山如赤城皆夜紋橫數十丈
光不受鮮上有古木蔽日稍雲身幹直駁
觀音石 在縣北平安里大溪中石似觀音者
三前有觀音潭
烏虎石 在縣東大溪中黑色巖如虎踞
獅子石 在縣東二十里梅溪寨西山口山頂
石高數十丈勢若獅臥數里皆見
馬跡石 在勝運里山淵中廣二丈餘厚四之
一兩面皆有馬蹄跡陰者著小歲大水巨石皆
漂惟此不移
香爐石 在北沙里九曲水口以形似名
蓮花石 在溪南里大溪中即魚磯石壁波濤

水

湧急舟過猶失手則覆其石叢生如蓮花
大溪 發源長汀界合衆溪入縣境會諸口水
至縣治南山下過美女峯紫迴三折西流五百
步南經潭口直抵潮海
潮溪 在縣西三里紫紆至展旗山下合大溪
金山下溪 在縣北清泚聲冷東流數里入
入沙石中繞蛇坑數百步外復湧出長流
苦竹溪 在縣東北五里源出白砂里山
水埔溪 在縣西北十里源出武平界經巖頭
舖至水布灘合大溪
九曲溪 在縣東北白砂里源出新坊口紫紆
九折至諸口會大溪
南寶溪 源出南寶山下流數里納聯水會金
山下溪至鎮寮場與南橋小澗水合流而東
碧溪 出鎮寮場之東與南寶溪合流溪西水
赤絕魚故名
新田溪 在鎮寮場西合南寶溪過靈蛇山會
諸口溪南流至舊州會大溪
黃潭溪 在勝運里源出龍巖石門小澗至小
拔湯過上南湖經三堤渡際腔會大溪
安鄉溪 在勝運里源出東安殿小澗合流大
溪
跳魚溪 在勝運里源出松山嶺至登祿寺前
合黃潭溪
回龍潭 崎嶇有石似龍渡江
白石灘 在同龍下
桶木潭 有石平坦廣頗承其上因名

目忌潭 水湍急舟人畏視之
雙鳳潭 二水衝縱浪滾如鏡五灘俱縣北平
安里
高車潭 旁置高車轉水溉田
馬尾潭 水散流若馬尾二灘俱在城里
迷船潭 勢甚險舟過溪旁需力備器而過
慘迷潭 亂石森列舟過此必慘迷以清
上徐潭 下徐潭 大龍鉤潭 五灘俱在縣
東勝運里
孤灘 在縣南來蘇里衆石樣牙船難上下行
者必易載而渡
草履潭 在縣北二里許延袤數里過之而履
成一雙狀其長也
相公潭 在縣南三里舊傳有寓此產子貴者
故名今建塔其上科第不輟潭名又若議矣
潭頭潭 在縣東一里爲潭之首
石壁潭 在縣西二里壁寨下
信豐潭 在勝運里豐裕寺西其深莫測
鬼湖 在縣北平安里廣丈餘深不可測旁無
寸草相傳下有深溪爲龍窟宅
銅鼓湖 在銅鼓山下來山左右有二湖延袤
寬廣其一或謂其一雖旱不涸
鹹水湖 一在來蘇里三層嶺背一在勝運里
大陂下其水味鹹不涸
天井湖 在縣南勝運里闊五十餘丈深不可
測漁者避焉忽湧出十五里外今春盈秋涸
爲常又在城里北門外西有二湖亦名天井

百丈礫 在平安里金山側高百丈一瀉如線
其聲淙淙傳名黃金坑險不容足
白水礫 去縣三十里溪邊土中有石塊璞章
能運水至頂以激華井取而工之可爲假山舊
有一聯白水礫頭白屋白鷄啼白晝未有對修
橫林大飲過此對之曰黃泥潭口黃家黃犬吹
黃昏人傳爲工
贈水池 在平安里金山有二池上下有泉湧
中則滿上池之流未時池水亦苦傷人惟以浸
鐵煉之成銅後則如常水不可以銅矣
御天池 在縣南塔院蓄水備旱溉田甚廣
放生池 在驢馬橋下人修齋放生於此故名
金船塘 在勝運里延數十丈形如巨船
佛嶺泉 在縣東十五里自石孔中出其清如
鏡飲之不竭
瀑布泉 在盧豐灘上出自山巖其勢如飛
小拔湯 在勝運里微溫可浴
里田湯 亦微溫可浴
觀音井 在縣南橫琴岡後澄清不竭旁流一
派溉田數頃上結庵奉觀音衆者請其水流之
有驗又城內西北有一井構屋其上亦名
普濟井 在縣西二百步成化間重砌
石固井 在縣西石固廟前洪武四年開天順
間重砌
靈源井 在縣西一里大旱不涸湧而不溢
井泉井 在縣西進士坊北港內水重於他水
應星井 在縣東北小街巷內成化間重砌

圖背井 在縣西北小巷
所前井 在所東畔未立所時已有
射圃井 初在射圃前天順開闢今園改整院
新開井 在縣西南小街成化間開
東門井 在昭陽門內築城後民艱於汲成化
初開
龍泉井 在勝蓮里石碑前石隙間流出四時
澄澈夏冷冬溫鄉民建庵其上名曰龍泉
漳南道井 在廳東北
龍井 在金山頂水面數尺規而若井潭泓澄
澈如懸膽之鏡久立膚肌俱寒急避去恐此滑
者之或躍而風雨驟至也舊傳井與河通僧接
竹試之云無底極形家所言天目將無是與
武平縣
靈洞山 在縣西十里馬洞天之一有仙人上
馬石蛟池湯泉石龜之類大洞三十六小洞二
十八下有靈洞院洞元觀俱廢又有石井三舊
傳為葛洪煉丹處
雙身山 在縣西十里雙峯並身高插雲漢
交椅山 在縣北十里山兩脈交加如交椅
鵝頭山 在縣北十五里有石岡大嶺屹其
形似鵝
天馬山 在縣東二十五里高聳如馬朝天
梁野山 即梁野仙山在縣東三十五里峻峻
巖出絕頂有白蓮池昔鄉民採茗候至一巖見
門垂龍鬚草披而入內有佛像懸帙鐘磬
蓋如新再往迷路唐開元中禪僧持鉢鉢錫

三峯大畧中泉州僧靈悟駐此自後巖巖
石獅嶺 在縣西四十里有石若獅
石徑嶺 在縣北十五里高峻多石通羊角水
接江西會昌
當峯嶺 在縣北三十里鑿石為路長五里接
水平寨上有雙井泉
黃公嶺 在縣北一百五十里接長汀界修阻
二十餘里有聖公泉
伏牛嶺 在縣南六十里有黑石高廣百丈形
如伏牛
白鶴嶺 去縣十里形勢軒昂江廣往來要路
御屏嶺 在縣北五十里相傳為棺材石新官
初至每忌之常戴星入治
觀音嶺 在所城南一里
檀嶺 在縣東四十里
南安巖 在縣南西為蛟龍窟宅俗呼龍穿洞
定光大師卓錫於此中有二巖南巖窮窅幽廣
石室天成東巖差隘而石龕尤縝密
龍濟殿 即龍巖南齊在所城南三里林木嘉
茂石徑窮深洞前有龍牙石珠簾泉
十二峯 在南安巖前秀峯列峙
神仙峯 在所城南十里
象洞 在縣南一百里接湖州界環抱紆迴號
九十九洞宋政和間置寨於此海錄碎事象洞
昔未開拓時羣象止其中其地高腴有美孫可
饌佳醴邑人重之象洞酒
化龍溪 一名南安溪在縣治南百步源出清

平鄉合流歸順鄉入湖州界
千秋溪 在縣東信順園里源出梁山經谷幸
里合流入化龍
漆坑溪 在縣西丘留東里源出安邊界
武溪 在縣西三十五里水接化龍
漁溪 在縣北豐順半里源當峯嶺下合禾豐
黃沙溪 在縣東南十五里繁紆數里入化龍
禾豐溪 在縣東北源出當峯嶺下入漁溪合
運口水入化龍
露溪 在縣東北一溪七折俗呼露溪七渡
大順嶺小溪 在縣東信順園里自露溪堡北
入長汀界七里河
順明溪 在縣西順明里大嶺下西流出會昌
界與大溪合
龍溪潭 在縣西六十里怪石嵌空舊傳龍穴
其間旱禱輒應今里人有疫亦禱之
黃泥潭 在縣西南二百步
蛟騰潭 在所北文峯塔前
蛟潭 在縣南八十里水深無際昔有蛟為民
患及南安祖師建院殿下其毒遂弭
綠水湖 在南安巖數十里水色深綠相傳定
光佛創院嘗取其水今水色清白
雲標 在縣東二十里瀑流如練又名白水礫
剪刀交灘 在縣西歸鄉里
白鷺灘 在縣南豐順半里
七里灘 在縣北大相亭里
大頂灘 牙牙灘 鈎丁半灘

小龍鈎灘 四灘俱在縣北歸鄉里

放生池 在縣西門外

溫泉 卽丹井溫泉在縣南五里舊志熱水井

周圍數丈泉從石竇出有硫黃氣能熟生物民

多浴之可愈瘡癰

聖公泉 在黃公嶺巔相傳定光佛偶渴卓錫

泉湧水僅杯勺千人飲之不竭

龍泉井 在縣南禪果院殿後相傳定光佛所

鑿未幾元間常有龍見

官陂泉 在縣北七里源泉洶湧灌田數頃

雙泉井 在富峯嶺有泉兩泓自石隙湧出

銅井 在所城內西偏泉極寒冽汲之聲如銅

響色黃

欽定古今圖書集成方輿彙編方輿

第一千七十二卷目錄

汀州府部案考二

汀州府山川考二 水利附

汀州府城池考

方輿第一千七十二卷

汀州府部案考二

汀州府山川考二

清流縣

龍山 在縣南坊郭里自長汀平原山分脉來

華峯高聳起伏如龍陰陽家有左龍右虎之說

南極山 在縣南五里即龍山之高峯為縣朝

山其巔時有白雲舒卷上有二小庵

屏山 在縣北坊郭里屹立如屏據於縣後又

名妙相山

東華山 在縣東三里千仞峭壁前有斗臺高

聳入雲霄景物皆在目中

國母嶺 在縣東北三里宋楊太后過此故名

俗誤名喚雙頂

馬家山 在縣左甘姓馬者居其下山頂有萬

壽亭

西靈山 在縣右山中舊有西靈庵

塔山 在縣東南即龍山之枝舊建塔於嶺故

名

拜相山 在縣西南四里與南極龍山相對狀

若人拜又名拜龍山

銅鑼山 去縣四里龍山左腋上有諸葛行祠

其頂平圓如銅鑼

方山 在大溪西五里形如諸軸故以方名

華山 在縣東七里層巒環繞二十里中聳三

峯高入雲際

蓮葉山 在縣東山脊拔如蓮葉又名斗笠

蓮花山 在蒼嶺里有池夏則盛開蓮花

象形山 在縣北末得里高大旋伏如象

貴人山 在縣南蒼溪里方正如貴人

鐵石山 名勝志在縣東南九十里山石堅黑

如鐵山舊產鐵因名有磯有洞皆名鐵石洞口

有廟曰安濟曰九龍

漁漁隔山 在縣西南羅村里其峯峭絕

楓隔山 在縣西南四保里多楓木秋來如丹

豐山 在縣南羅村百二十里山極峭絕其頂

如磨常有雲氣覆之秋寒方露全體朱澤照間

有劉道士與其徒募十日糧誅棘門壁而上行

半日漸有荒徑若人經行處六日乃至其巔坦

夷如砥可坐數千人有田墟茶局丹甍礎石散

亂於中如故居廢址疑神仙窟宅縱目遐眺恍

惚見軍中如故居廢址疑神仙窟宅縱目遐眺恍

惚見軍中如故居廢址疑神仙窟宅縱目遐眺恍

惚見軍中如故居廢址疑神仙窟宅縱目遐眺恍

下忽出大壩僧肝庵祀之

七峯巖 在末得里峭起如翠螺

白雲巖 在蒼溪里形如屋閣初漳州江姓者

修練於此狀化鄉人即其全軀像祀至今不朽

馬兒巖 在縣東蒼溪里以形似名一名馬子

俗傳有馬駒化為石語近誕

清溪巖 在縣北中有一水清壁不竭

蔣公巖 在縣北五里巖石嵯峨外險中寬未

紹興初有將道士居此

潘湧巖 在縣東北坊郭七里飛泉怪石茂林

修竹為一方勝境

玉華洞 在玉華嶺上亦名小玉華石峯矗立

玲瓏穿透可容百餘人有石廳石龕石觀音蓮

花獅子之類宋乾道間始建佛窟洞西有三穴

名石燕洞舊傳一道士乘炬齋獵行一日餘出

洞口乃亭化境洞東有巨石如龜名龜龜洞

全鳥石 在縣東龍津橋畔與玉兔石相對今

沒於水

玉兔石 在縣西鳳翔橋下形圓色白春夏或

變青紅明成化間忽墜見庭下有光華

獅子石 在縣西靈庵門首臥伏如獅

摩石 在縣舍盤里舊口高大圓尖若米糠然

黃石 在縣東十五里為色水口水漲石沒則

舟難行諺云黃石蓋頭十箇梢公九箇愁

正溪 發源峯化溪迤五里至縣境澄清如

練合衆流度九龍會延建諸水至福州入於海

方輿彙編方輿第一千七十二卷汀州府部

第一四四冊 之二十六

西有白石成堆遠望如雪未清

三港溪 在縣西南五里連有三小港皆自車化會流清溪

鄭家坑溪 在縣北各山坑水合流至古基頭及南岐入正溪

芹溪 在縣溪源自縣上至芹口入正溪

嚴坊溪 在縣治南流至橫口入正溪

清溪 在縣北源自車化出高地清口合正溪

羅口溪 在縣西北羅村里登源連城過北園至羅口合正溪

李坊溪 在縣西四保里登源長汀界至白石溪入羅口合正溪

灘溪 在縣南灘溪里源出百里山連至九龍灘合正溪相傳溪上林木蒼鬱行者如舞因各

七里灘 在縣東南七里溪多亂石曲折迅激

旗角灘 在縣東南八里

牛角灘 在縣西南十里

長空灘 在縣東十五里怪石縱橫中有大黃石恐捲波濤險大九龍

九龍灘 在縣東南一百里上六龍最險屬本縣下三龍稍平屬延平永安縣九龍上下二十

餘里每龍兩崖石峽逼窄如關隘寬僅丈餘石龍橫截水中尚可數丈乘舟下龍如在高山落

坑舟子欲下者輒停鐵石磯轉屬土著驚師獨頭仍編竹著簍裹船頭以當恐浪然後敢下一

失分寸生理遂絕龍背有一捷徑行經七八里可抵六龍灘尾長險者多由焉

黃柏洋 在縣東五十里宋文天祥行兵至此遇大風雨入農家以避

漁漁潭 在縣龍津橋南三潭相連深不可測

楊梅潭 在縣東南七里灘下

長空潭 在長空灘下

門潭 在縣石磯巡司前其長一里許

縣前井 在縣東南成化庚子知縣凌來濟聖堂井 在縣聖祠左巖下泉四時不竭後人

黑石為二井知縣吳中結亭覆之改名寒泉倉前井 在縣南米倉嶺下深三丈色清而冽

東嶽廟井 在縣東南深丈許

聖水庵泉 在屏山下水中出洞中味甲寒泉

角樹泉 在縣晏公廟下地中湧出一泉穴足應居人日汲

溫泉 一在池溪一在溝口一在丘源源皆出山下沸湯可熟雞卵

東峰泉 在晏公廟後五里地名漁漁坑泉流飛瀑長若玉龍有伍姓者鑿為池接竹引之

度龍津橋以便人汲

連城縣 後龍山 在縣北自清流豐山東南分支行九十餘里至本縣為旗石峯復突銳而上為西寶

山又盤伏而南為三軍山下抵縣歷六十餘里屹然拔起縣後為縣治主山

蓮華山 在縣東七里狀若蓮花舊呼東田石元馬周卿改名復取山間奇勝為十三景以古

鍊書勒石曰蒼玉峽曰雲棧曰天梯曰冠豸曰

桃源曰清如許曰芙蓉波曰金字泉曰白雲深

處曰天光咫尺曰蒼谷曰靈虛曰水畦啊其山雖險上則平曠有寨有城有池有墅有書樓宣

武西南四門舊有蓮峰庵庵左有丘氏書院又有開國彭侯祠有三君子堂今俱廢惟書院元

貞堂有新增勝景有牛雲亭滴珠峯十王殿却

塵殿元天閣水園羅元真堂大觀堂三元殿靜室靈芝庵真空室蓮花洞九老亭一線天五老

峰超然閣仰止亭聽松亭

赤嶺山 在縣西在城里山土色赤因名

高塚山 在縣北翠峯深峻盛暑生寒故名

彭屋山 在縣西在城里上舊多彭姓居此

馬坑山 在縣西北在城里山下有洞曰馬坑民居環聚

白雲山 在縣南高插雲漢時有白雲覆頂

天馬山 在縣東揭坊北安里怪石昂藏如天

馬元季雷隕其首石尚存

金鷄山 在縣南表巖里山峻拔舊傳有人登山見一庵有金鷄飛鳴於花瓶上寄宿庵中曉

覺不見庵所

獅子山 在縣東揭坊北安里怪石踞踞如獅巖下有文殊庵

三仙山 在縣東北安里舊傳有三人會山中談笑竟日俟衆去

銀屏山 在縣南南順里山磅礴屹立天聲覽若銀屏

筆架山 在縣東南順里三山聯屬如筆架

西寶山 在縣南順里山常有夜光疑有寶氣故名
西山 在縣南表席里有杜仙隱是山功成脫化鄉人建庵祀之杜南順人伏其名
金櫃山 在縣東北安里蓮峯傍山竄有巨石圓整橫截一鏡若燭然
涼傘山 在縣南河源里山頂圓圓如傘
大嶺山 在縣南隔頭山嶺高峻有路沿山而上西抵長汀界
堆禾山 在縣北北安里其山突起平陸狀若堆禾黃氏世居其下今名黃屋山
三將軍山 在縣西南三峯並峙狀若人立
雲山 在縣南河源里高接府署舊出其頂
將軍山 在表席里端登特立雄據縣南
雙臺山 在縣東北南順里昔有羅臺居山下平動造象台瘠土之訓
上峽山 在縣東北安里兩山夾立中有一路通北安鋪
高貴人山 在縣南河源里有顯什姓高者過此徘徊愛其秀美因名
劉地山 在縣南河源里劉地村
大坪山 在縣南順里山阜廣闊巖石平坦
碧頭山 在縣東姑田里翠峯盤結如碧
蕭坑山 萬曆中令徐大化築北關鑿石是山石線中有徐徐昌四字連人異之
豐山 去邑九十里世傳朱勝侍郎沈勇將葬於此後呂純陽仙令上神送出戲弄沈覺功殊

之呂化作道人曰易汝鼓架山穴是處陽真人道場也後清流縣有歐陽姓者寓此得仙
龍子岡 在縣南順里因在縣後龍山側故名
七星岡 在縣南順里岡列如七星
七里岡 在縣西南順里岡周迴七里
塔背嶺 在縣東在城東東塔寺寺後
鷓鴣嶺 在縣西常有鷓鴣
分水嶺 在縣北北安里一水沿嶺分注西北長汀東南連城嶺上有鋪
烏石嶺 在縣東北安里巨石蒼黑巖巖當道赤竹嶺 在縣南表席里南接上杭多產赤竹虎忙嶺 在縣西南六十里今屬長汀青巖里其嶺峻長雖虎過亦忙明朝有僧大行建庵嶺中得禪定法夜露頂坐荒郊人或叩之願證前覺今處為行人憩所
陡嶺 在縣東南順里有大小二嶺路沿山峻絕綿連五七里
貓兒嶺 在縣東姑田里與永安接界兩山對立如貓相顧
橫山嶺 在縣東姑田里嶺長盤迴十餘里東南接龍巖界
野狐嶺 在縣西南順里路接虎忙多狐垂耳嶺 在縣南河源里舊傳宋文天祥兵過此回題垂涕居民痛而哭之抵上杭界
牛路嶺 在縣南表席里嶺盤旋十餘里民販牛廣東取路於此
遠水嶺 在縣南表席里嶺上杭界行人以重

淮患涉避水脊此
牛扼嶺 在縣東南順里嶺彎曲如牛扼
磨石嶺 在縣北姑田里石可磨針
彭地嶺 在縣北北安里宋彭侯孫駐兵於此
石門嶺 在縣東五里兩石相峙中空成門宋紹興間雲客僧倚巖結庵名指雲台黃華粉總宜亭後令趙汝樵縣修然閣年深亭閣俱廢洪武間邑人沈彥和重建
滴水巖 在縣北七里有泉一線自石竄出溜瀉巖下深不盈尺滴不溢汲不竭相傳定光佛住錫於此宋政和間僧密鑿巖庵于後圯
石鐘巖 在縣東北安里半巖有古佛遺像宋咸淳七年中胡即羅大慶建左右有羅漢閣觀音閣
驚峯巖 在縣東七里勢如驚鷲旁有瀑布石倉淳熙間勸嚴守久府宋樂間侯福生募建西寶巖 在縣西十五里宋淳熙間勸佛處於巖下後至正間黃得補重建
南峰巖 在縣南百里宋淳熙間勸嚴守
白石巖 在縣南表席里巖巖突兀若白石
朝天巖 在縣南表席里巖巖凌雲下有庵
白仙巖 在縣南表席里巖巖俱白洞穴甚寬下俯小溪
龍興巖 在縣北北安里元大德三年治中許景輝勸建明領邑人許浩志與長汀都御史馬關讀書其中編曰文典
寶珠巖 在縣北北安里巖上圓石如珠